

四庫全書

集部

欽定四庫全書

集部
曝書亭集

卷
十九至
二十一

詳校官庶吉士臣汪彥博

助教臣常循覆勘

總校官降調編修臣倉聖脉

校對官檢討臣盧遂

謄錄監生臣閔思紀

欽定四庫全書

曝書亭集卷十九

翰林院檢討朱彝尊撰

古今詩十八

屠維單闕

羅浮蝴蝶歌

爾雅釋蟲名蝴蝶置不錄之蟲豈無知小大各有族小者捷末產江東大者乃在朱明曜真之天巖洞中當其

物化初天與形不同
蠻雲華首紫海日搏
桑紅游禽五色詎敢
啄滿身香霧花濛濛
仙人兮拍手笑愛爾
翩翩特娟妙或云葛
翁衣或云麻姑裙二
者傳說徒紛紛入秋
倦飛絲乍罨葉底風
搖滿山繭垂虹亭長
手拄卽栗條去年踰
嶺尋鐵橋歸來雪灘
纔卸馱分我蝶繭剛
一箇留之十旬鳳子
生曲腰短足相搪撐
豎雙眉張兩翅輕於
吳綃薄於紙對神光
之陸離駭賦質之倜
詭我思此蝶放之四
百三十二峰前餐英
嚼蕊恣歡妍何難

大似車輪然我今縱之出簾栢可惜不諳飼花法雲母
扇丹霞衣嗟爾萬里安得歸文章枉使負奇色不及灰
黃粉墨野蛾高下東西飛

又近體四首

攜來柏葉綴莎蟲蝶繭多懸烏柏葉底物候初溫五月風蝶以五月朔破

出繭么鳳忽然看倒挂仙蠶深恨不同功粉香弄玉勻塗
後裙色麻姑想像中離合神光終莫定畫圖誰信小滕

工蛺蝶圖滕王元
嬰子湛然所畫

藤笈初開且試飛漿牙牆角見應稀輕狂忍把霜紈撲
愛惜須加繡幕圍萬里風花香入夢六朝金粉畫成衣

吳娘正要湘裙樣分付流黃第一機

宋樂府有九張機自一至九

籬邊野外舞春駒認得羅浮種獨殊衆裏自應呼鳳子
生來只解抱花鬚鉛華水淨分初日金縷衣輕颺五銖

比似吳人看西子未貪市上一錢輸

孟子疏西施至吳市觀者各輸錢一文

猶記歸裝嶺外齋炎天二月展金泥衰年再見真難得
異物初生也不齊偶落人間休悵望但留花底莫東西

寄聲為報垂虹長好配新蛾與並栖

虹亭筍中
尚存三藕

題瞻園舊雨圖二首

壯年蹤跡任西東老去諸餘念漸空
醉地至今猶戀惜大功坊底小園中

花南孔雀翠屏張共倚新聲八寶裝
誰向井邊歌舊曲

淳熙半隸幾斜陽

園有井闌刻
淳熙年字

長水曉行

月暗千重樹風微一葉舟
殘星高太白重露滴牽牛
菽

乳新漿熟魚標小市收不知葭蕩岸吠蛤爾何求

荷花

梁間巢燕幾曾來竈下狸奴去不回猶有荷花憐舊雨
年年一為主人開

七月八日張孝廉

大受

招高上舍

不騫

載酒過

百花洲索予父子吟豪率賦

七夕已過猶蘊蒸厨船遠發太湖棧攜來瓜果嚼復嚼
盡此壺餐能不能舊日詩篇忘甲子老年書法誤丁朋

煩君并向狂兒索病劇知渠起未曾

李高士 廷昱墓下作

慷慨松江別淒涼桂水還擔花嘗郭外賣藥遍人間野
史何由續遺書尚未刪空餘懷舊淚一灑柘湖灣

十月二十一日喪子老友梅君 文鼎歸自閩中

扁舟過慰攜別後所著書見示部帙甚富余亦
以經義考相質并出亡兒撫韻遺橐觀之成詩

百韻次日送之還宣城兼寄孝廉 庚

老夫初失子痛若遭鞭刑騷騷理喪具裂布帷兩楹本

為共命鳥卒然翦其翎天乎獨何罪此禍丁我躬

姑弘切

有叟褐裘來扶杖叩我肩袖中出誄辭書之鵠紋綾既
以悼逝者且用慰頽齡申言賢聖阨難免造化憎西河
授詩義不聞子在鬻尼父成春秋不聞鯉趨庭遺恨古
則爾所以尚達生叟言我瞿然旋收淚一升延之西牕
坐試話睽離情與叟別八霜蹤跡如蓬萍或淹津門居
或栖皖口城北書鴈翻蒼南書魚尾頽茲從閩江至始

獲遂合并青援長五尺一袂書手拎持籌計長歷制器
窺圓靈削木驗日晷繪圖準方程我思古帝治七政齊
璣衡下及周女士咸知列宿名東楚抱衾凋觀象乃宵
征畢雨箕風揚武人解辨形後世祕其術張眼同晦盲
瑣瑣靈臺郎曷能測穹冥下學理帖括怠棄負小正百
翻兔園冊足致公孤卿昏昏軫蓋中莫辨一點星居然
變陰陽上應中台明三才昧其一庶績何由凝叟書析
微茫該洽純粹精惜乎時不用歲月老笠笠我亦志迷

作緬懷三代英流俗是末師立心壞先型埽除詩書序
區別義文經客或立異義黨附紛譏評恨不漢晉儒驅
納咸陽坑以茲經義廢勲說徒相承於焉考史籍旁綜
墓碑銘下及稗官說也復掇華菁百川趨四瀆尊之入
滄溟百穀播三農穫之聚坻京先民可不死身後留名
稱書成五鳳子來集軒牕櫺蓮有並蒂實蘭有同心莖
按之瑞應圖僉謂斯祥禎況記洗兒初熱湯盆中盛有
文在其背曰壽似可徵云何凶短折我心滋不平兒兮

洵聰慧間鄙誇寧馨九齡善學書楷法工撥鐙十五嫻
詞賦下筆人皆驚視不眩邪色聽不惑姦聲清心薄嗜
慾生產絕勿營性亦勤著書席研希留停請看所排韻
力欲闢榛芳涼花帶風露哀玉明瓏玲又如食俊味盡
洗官庖腥比於回溪諷獵史尤縱橫

宋日鄉人錢諷
纂回溪史韻

憶

當病少間黏紙連門屏儲書八萬卷剔蠹捐乾螢陳言
委時夫秀句羅元兢良由深意苦甘使定命傾先猶木
支厦俄而綆脫餅恒幹不久留所惜日未暝吾家太傅

公清德踰冰凌王父守滇郡得歸賴贈行

先祖知楚雄府事聞曾祖

妣何太夫人計奔喪囊無貫錢巡按御史贈行乃得歸

先人失舊業恥為塵垢櫻

負郭無遺田八口一豆羹雖嘗役婢僕五世罷咎撈人

言積善家降殃顧匪輕念此腸九迴孤憤氣填膺俗傳

老婦祭不修禍所嬰我貧無黃羊何以媚竈陘或者童

男女讒口上告天

他經切竈神有銅童驕孫六女

又聞道士言夜必守

三彭我嬾動堅臥尸蟲釋拘囚或者請于帝奪我才子

年

奴京切

魂筮掌巫陽鬼律著女青寧期意所嚮務俾才

者懲將無太山錄明神未武憑第假鬼伯權好惡初無
恒修短雖有定我心終怛怛叟也驗歷數消息可立成
試為窮九厄因之推八紘山何戴斷鼇地何震死鯨楓
何以膠折栗何以芽萌蕈莢何以落桐葉何以增律何
吹黍轉鐘何應霜鳴此何亡也忽彼何勃馬興鄰里皆
多男我何獨孤悻叟宜指我迷喚我夢魘醒荅云萬品
殊二氣互陶蒸舒慘物不齊五曹算未能呼童開窻蒞
飲叟酒一觥冬春煮糲飯寒燭燒短檠卓午詎忍去徘徊

卷十九
八
徊曝書亭吳船閣三板送之還宛陵我詩儻垂和兼語
猶子庚

怪鷗行

曩時怪鷗吟嘯池上柳喪我南村詩人李十九年不
聞汝惡聲東鄰西舍賀太平今秋胡然忽而至見之不
異眼中刺吾家阿鏗衾枕間歎息鷗來命將逝初猶遠
林深處夜半鳴既乃橫飛不待日晦盲搖頭鼓翼坐屋
角後咷先笑窺檐楹始知是物本為鬼伯使如張導虎

山蹊行訓狐賊人梟食母汝與同輩尤陰獍喚人魂魄
亦何苦況擇善者戕其生嗚呼吾子今死矣欲不遷怒
及汝非人情聞之周官建有庭氏翼氏誓蒺氏射以救
日之弓救月矢必覆其巢攻其翅先王有害務盡除豈
若今人昧茲理吾將斷竹續竹彈以丸毋俾惡鳥來林
端月辰二六星四七方書去汝夫何難

除日二首

感念亡兒苦難收淚兩行夢中猶定省歲杪益淒涼禿

筆堪成家遺書尚滿牀多情酒壚伴作賦比山陽

上舍顧仲

清咸三文學金介復俊民戴
錕淑章李宜景源俱有輓章

典祀先人臘蕭然魚菽存薦時煩寡婦拜後止童孫老
分歡娛少閒將甲子論知無頌花客未暝闔蓬門

上章執徐

送窮日作

吾家五窮鬼四世推不去今晨縛車船送往河隄住水
萍風中絮散作千百身勿使天壤間乃有石季倫

君平遺鏡歌為家上舍

思贊賦

古銅一片漢所治冷光溶漾符月儀其背有文繚繞之
由中及外皆銘詩文或中斷字橫施讀之百過猶嘽吮
齧牙齟齒摧鬚而良久始獲通其辭乃是君平之所持
惜乎未覩書年支成都卜肆新雨時若榴花分槎上枝
手挽織女機中絲以之自鑿鸞鶴姿軸簾布卦營神著
百錢挂杖足自怡酒家戶戶招青旗從游弟子侯芭師
暇日長定肩相隨識此奇字當解頤千年土蝕苔髮髯

繡成碧綠丹黃緇阿誰磨刮無纖疵吾宗子仲性愛奇
裹以重錦尊長綏大笑俗尚蟠蛟螭開奩一照冰雪肌
木魅却走山精馳吾聞仙人鏡四規澁心定志有所思
方來之事罔弗知是物度亦神所司慎莫使近粉漿腴
華山精舍春日遲長廊急溜鳴堦墀落梅滿地藥甲滋
主人勸飲墨玉卮相與考古恣遨嬉古來金石各有宜
其人已往文在茲金尤易鑠質易虧昔賢嗜好情不移錢
志小大印官私家有款識宋傳貽七鐘九卣廿鼎彝鎗

槃刀尺別等差何哉鏡銘獨見遺嘯堂舊篆曾取斯
挂一漏百人交嗤吾今對此興不衰思搨繭紙研隄
糜亟令巧匠為裝池鏡兮鏡兮爾勿悲神物遇合信
有期

春日南垞雜詩六首

入春風雨太連絲著屐扶筇越陌阡鄉里兒童莫嘲笑

已過七十杖朝年

七十杖于
朝本祭義

十年手種池南樹今歲纔分花白紅尚有舊游三叟在

謂繆泳鄭
玕錢枋
不知更醉幾春風

舍外青鳩解喚晴
籬根玉版漸抽萌
無兒可遣修雞柵
客至生憎膈膊鳴

瓜頭水綠樹根流
早有活東池上游
只少故人攜酒榼

醉來新月送行舟

懷徐
上舍

社公小雨不黏沙
瞥見迎風燕子斜
料是東家巢已定
但來花底啄芹芽

移種盆松六尺強
欲當車蓋蔽斜陽
不知黛色成陰日

此地何人結草堂

巡撫宋公以新雕蘇詩施注見貽賦謝

元祐罪人編年詩

東坡自寫背面像
題曰元祐罪人

誰其注者施元之

中丞訪得嘉泰本上客為補由儀辭梅谿舊箋付醬瓿

傅穉遺楷傳漕司

嘉泰木刻之淮東倉漕司
吳興傅穉漢孺所書也

衰齡撥書

反覆讀笑比黠鼠銜薑時

飲顧孝廉

嗣立

秀野堂同周吉士

昇賦

秀野堂深曲徑通巡檐始信畫圖工

王給事
原祁寫

小山窠石

屋高下清露戎葵花白紅已許糟丘成酒伴不妨蠹簡
借郵筒入秋準踐登艫約吟遍江橋兩岸楓

偕陳同知昂畢上舍大生李孝廉大中從孫

丕戴登澱山寺謁秦女祠分得合字成三十

韻

二百里澱湖夙與團渚合茲丘峙其隅麼眇等羸蛤想
當在中流川氣互葍甸漁商恒惴恐波浪恣碣磕愛此
一簣山表以千塔風帆走四面烏鵲遶三市傳聞秦

女神於馬沉錦躄大姑鶴背騎仲姑蟾背踏季也鞭青
蚪履用五絲鞞力能役鬼工地戶信押闔忽悅靈旗翻
飛雨響修颯物換改桑田祠宇儼蘭閣月擔搖綵幡煙
帳熏紫蠟至今千歲蛟不犯青苔榻其西鑿井泉與湖
暗呵欲綆鉞都棄寘猶幸闌未塌循徑入寺門虛廊屏
囂雜土灰掩法王無復辨魚鴿一童啓荒扉一老補敗
衲既免禮數煩且喜朋簪盍巖幽足眺聽烏下乃潛虛
言是龍子蟠黑雲時出納何年湧山根若頤咯噬嗑鴨

脚樹兩株不知幾僧臘柯條神所護孰敢肆推拉試驗
縱橫陰誰與量玉鈴南有修竹林冷翠壓簾背疎籬野
薔薇綠刺見斜搭坐久山鳥鳴惜哉少酒榼何處星星
鐘隔浦遠相答

徐檢討仇紙扇讀修上人詩愛其清逸上人時

訪余放鶴洲余留吳不值却寄以詩

少年上人足佳句清似玉壺一段冰絕倒垂虹舊亭長
來尋放鶴老詩朋迂辛短李許誰和癩可瘦權知不能

何日扁舟攜白鹿
聯吟竹屋夜牕燈

澱湖陳氏書齋觀吳仲圭為陶九成畫竹居圖

冊

吾鄉梅花衲畫竹如箭橐但留煙雨叢不必定娟好一
叟南村來林泉互幽討為寫徑尺圖籬落皆意造兩書
至正年其體近章草題句十一翁一一盡遺老我友澱
湖濬竹居等鄰保真蹟儲篋中啓示藉文繅孟夏風始
薰新篁小亭抱騁駉秋聲間可以除熱惱

道人述松雪
詩有歸聽秋

聲之句
故及之

題納涼圖

愛伴雲根坐，還留羽扇揮。
休添一星燭，便惹麥蛾飛。

陳君緘寄普光王寺二碑索余游記復成三十

韻兼寄錢上舍

柏齡

高處士

不騫

我聞千佛名，載在三車書。惟茲普光王，梵夾乃忽諸。

佛說

無普光王經。唐中宗時僧加建寺，請名普照。王寺中宗以照字是天后諱，乃改為普光王寺。親書其額，賜馬茲寺蓋龔。

流傳南渡日，有僧棲山岨。危榜兆吉夢，初地開

其名

精廬要知法王子信者意所如偶然占高座即事傳方
輿當其始經營入定走魑魅結成多寶塔倒景浴修渠
莊嚴水晶域瀟灑青豆居有若爛銀盤中湧翠芙蓉過
者停畫撓清辭琢雕璵四明吳文英過
此題滿江紅詞陳迹歲三百鼓
簫歇巫胥花宮縱蕪沒臨眺興有餘波潮息廣澤禾麥
交平畝導水固有術泄之以尾閭忽念淮泗衝濁河苦
填淤誼誼禱壁馬折柳沉薪擣

至尊日焦勞羣公但躊躇千艘未得轉何以實倉儲芻

蕘效未喻西北水易疏沽有七十二可以通沮洳淀有
九十九可以興耨鉏俾之納穗程亦得收蒲魚

天庾既以充河患不待祛馬用萬斛舟牖口紛牽挈誰
能急先務草莽徒欵歎良辰且游行藻景方舒徐悔不
抽帆檣悉留心相於左拍高生肩右攬錢叟祛誅茅此
山麓耦耕晞溺沮

近來二首

近來文人愛標榜不慮旁觀嘲笑工但架廬陵屋下屋

辦香誰解就南豐

近來論詩專序爵不及歸田七品官直待書坊有陳起
江湖諸集庶齊刊

陸秀才競烈南田書屋圖

近郭一丘一壑到門有橋有船主人著書檐下不入城
市經年

送李司訓琇之括州

我聞括州洞天福地有其四近在縉雲麗水青田閭廣

文先生此去主郡學芙蓉面面峰迴環毋嫌籤程遠毋
憚行旅艱揚帆七里瀨舍櫂雙溪灣我昔逢雨雪冰膠
磴滑不易攀子今乘清秋一日可以超重關惡溪亦不
惡終年水潺潺隘口亦不隘終日車班班青衿胷子載
酒至往往剝啄鳴樞橛龍泉碧盃蛛絲斑香菇菜筍飯
赤稷全家志在潔白養三盞之祿足以怡慈顏况聞此
地僻且閒有腰免使陶潛鬱熱官何如冷官好宴坐但
看門前山新詩相憶肯相寄老夫為子方便刪

闕詞方
便刪元

微之
句也

東湖曲八首

弄珠樓外月輪明
九派寒潮一夜生
怪道漁榔爭入市
白鰕青鯽滿東城

十里湖光一葉舟
五層塔火浴中流
曉來寺寺霜鐘急
驚起啼鳥掠渡頭

吳娃蕩漿濕輕紈
西浦菱歌聽未殘
路入板橋舟去遠
游人尚擁赤闌干

博陸祠東畫舫開
兩頭簫管勸交杯
城門緩鎖銅魚鑰
坐待三更月出迴

黃雀披綿出葦苔
花雞剖腹露紅椒
不煩蘆漝晶鹽糝
米汁船娘手自調

鱸鄉蟹舍說豐年
杭稻當湖孰最先
一雨新晴纔幾日
家家門外送租船

化城香刹裊幡竿
五髻如來石作壇
乍浦南風潮兩信
新黃柚子滿堆盤

夾岸芭籬鹿眼鹿近船花草錦茵鋪湖邊漸少閒田地
隄上宜添賣酒壚

題趙方伯勸農圖

三農播百穀原隰各有宜匪特因地利又必循天時民
生務在勤豈可惰四肢耘耨一不力苗莠豈為其炎暑
尤可憐秧馬苦躡蹠晨蠃夕飛蟲一一嗜頑肌及其登
場圃手足盡皴胝磨礪且簸揚然後供一炊云何不愛
惜等之美稗為盈倉飽雀鼠百斛飯僧尼國奢當示儉

先務宜在茲我

后省耕斂蠲租起瘡痍作繪耕織圖

賜予先保釐公復篡質言勸農書也鏤版下有司遠邇七十

城戶誦比書詩齊民諳要術風俗公所移吾哀受一廛

僻在長水湄披圖媿善頌對此豁雙眉

南浦歸舟圖為李上舍宗渭作

已別東湖夜月將挈南浦歸舟好占日色風色直沂饒

州信州

西湖

十三亭子景平分銀榜
昭回天漢文破除水墨馬一角

馬遠有水墨西湖十景冊畫不滿幅人稱為馬一角姚雲東詩宋家內院馬一角是也界畫金碧

王孤雲裏湖外湖煙樹接
斷竹續竹山泉聞承

恩父老衣黃絹芸鼓鑿鑿報夕曛

臨平道中是日立春

老矣孤蹤尚棲泊
小除日近始來還
且沽市中缸面酒
卧看雲後磬頭山
谿雨移時泥滑滑
舟人上岸腰環環

安平泉源一叢樹早有春鳥鳴其間

虎山橋夜泊

薛家車子十四白
傳歌童一雙
風定虎山橋
水月明
殼船牕

曝書亭集卷十九

欽定四庫全書

曝書亭集卷二十

翰林院檢討朱彝尊撰

古今詩十九

重光大荒落

二月朔查山探梅集六浮閣分韻得覃字

查山一卷石太湖匯西南梅花幾百萬亂插如蒼替我
來微雨後盡坼霜苞含橫披谷錦繡倒映天蔚藍高臨

銅官井下者菖蒲潭麕眼編疎籬鹿胎糝空吟卑枝或
壓帽瘦帶恒飄衫粉蝶羽翻飛白龍須鬢髮曩時李先
輩丘壑性所耽過之不能去思結小圓菴點筆寫為圖
買山付虛談清河有一老於此開徑三詩壘黃篾樓生
壙金粟龕偶占絕勝地戶戶圍重嵐漁洋峙厥左層波
激澗泐其右浮者六一一同眠蠶所憾激浦隔未得窮
幽探徒羨漁子艇揚帆捉蠃蚶張郎敬愛客託契來僑
郊園蔬進香飯家釀發新甘螿魚列瑣細橙橘分酸甘

主賓迭相勸力飲忘身酣是夕陰復晴淨洗雪靈臺
光暝逾蒸四坐聞醴醴牽吟共闋韻語笑吳越參酬和
繼沈范少長齊羅聃禮從野人野嗜比貪夫貪昂參橫
醉後各各猶研覃回憶平生游斯集樂且湛擬留信宿
居懶上白竹籃

初二夜月聯句

二月哉生明華亭高不濤查客 厯象古無易長洲顧嗣

協迂客

云何期未屆吳江徐鉞電發 忽露一鈎白嘉定

張大受日容

纖纖玦兩頭鼻尊遠遠眉半額

長洲顧紹

敏嗣宗

驟剖老蚌胎

吳縣徐葆光亮直

乍吐妖墓魄秀

水朱甫田襲遠

拉折金臂環

崑山徐昂發大臨

屈曲玉

牙尺

長洲顧嗣立俠君

仄痕浸湖波

長洲張士俊颯三

初輝澹林隙

長洲鄭鉞季雅

趁霞射東卷

長洲蔣深樹

存

逐景度西磧

嘉定張士琦天申

偃蹇挂樹枝

不騫踈

跼仙人跡

嗣協

巾看越鳥將

鉞

喘笑吳牛亦

大受於馬

拓風簾

鼻尊

恰喜映瑤席

紹敏

玲瓏閣外梅

葆光

淨若

曳霜帛

甫田

暗水流其間

昂發

積素影活碧

嗣立

廣寒

八萬戶

士俊

料愛惜花容

銜

預使千里光

深

冷沁凍蛟

脊

士琦

亟催簫譜修

不騫

恣把餅泥垢

嗣協

或舉深杯

邀釀

或持紺法測

大受

維衡運疾遲

鼻尊

猶人命通厄

紹敏

先時天不違

葆光

翁者若馬關

甫田

勝引樂自今

昂發

庶徵考疇昔

嗣立

多耀由政平

士俊

寢和驗寒革

銜

金樞落不知

深

爛醉參橫夕

士琦

雲溪草堂圖為徐進士

永宣

題二首

凌葉荷花蕞草磯鶴巢深樹客來稀主人且莫貪高臥
合試新涼柳汁衣

江城過雨不開雲百里洮湖一曲分比似玉河隄上望
柯亭劉井總輸君

上巳後三日顧孝廉

之珽

招同諸公泛舟西湖

即事分韻得交字

獨擢花陰入重湖柳色交斷橋亭蓋瓦曲院水通坳楚
雀黃猶澀江蓮葉尚包

宸游留翠墨車馬隘春郊

吳越武肅王祠觀表忠觀碑得潛字

一王三節返龍德半飛潛尚有豐碑在能摹活筆鉅花

開仍陌上廟古逼城尖霸業餘陳迹思繙舊史添

予注歐陽

子五代史未就

八日汪上舍

闕

招同諸公夜泛五首

青驄斜日盡迴鞭錦瑟中流罷合絃誰似汪郎苦留客

夜深猶放總宜船

湘湖遺老

毛叟
奇齡

舊清狂白髮相逢荀蕨鄉已分今宵共

沉頓不妨跋扈少年場

西冷橋外柳娟娟宿霧迷濛月一弦陌上花鈿如可拾

安知老子定無緣

蠟燈何處送歸艍一道萍開燕尾香寄語紅牕休度曲

隔船回顧有周郎

湖心亭子靜無塵更上層樓算酒巡好趁三潭涼月色

白銀盤裏采香尊

十日周上舍

崧

招飲晨過昭慶僧舍雨霽偕諸

君登舟循孤山沿蘇公隄至定香橋尋杖策歷
大小南屏觀磨崖家人卦舟回席上賦六十韻

山行有前期晨起風雨惡周郎衝泥過促赴開沽約車
從酒庫來航近寺門泊同調六七人畢來踐宿諾俄頃
濕雲收周遭露巖粵紉如津鼓動解我青絲絳隄緣水

仙祠柁轉巢居閣已枯宅邊梅何況墓上鶴

徐集孫調
林和靖墓

詩高風留塑鶴
殘雨暗荒碑

舍之度西冷椒壁乍巧堊長廊面積水

華構織新箔云何丹粉外團焦用絢索得毋法堯階茅
茨罷翦削循此溯上洄尋復步蘅薄雙樹繚檐楹層樓
敞櫺構倒影碧重巒殘英紅一萼抽梭白魚跳拂鏡翠
羽掠十亭此為最竒豈緣棧壑同游興未闌我心亦有
託思訪磨崖書別蘇試摹拓篙師樣舟誤失道墮蕭霍
俄聞南屏鐘扶杖強趨趨到院風滿林松栝雜楊柞客
過僧不迎去疾走矍矍此輩廢耕畝安坐享齋饌何不
勒歸農驅使荷鋤鑄夕暝斷塔明仰見飛鳥霍起行十

畝間柔桑已沃若修修綠筠竿濕粉脫鮮籜曲木橫為
橋中以石填廓苔磴側未安賴有藤婁絡頽齡苦足繭
十步九引却賈勇始一登履險漸寬綽石經早淪亡餘

者日銷鑠家人卦六爻何年此鑿鑿曩偕鉏菜翁

曹侍郎溶

相攜共盤礴彈指四十春重過感今昨流傳迂叟題所
喜未闕落威鳳臆騰騫垂龍爪拏攫亟宜響搦回悔失
攜竹膜字仿婁機箋手學蔡邕摸坐久暝色催出谷下
危徇平湖水悠悠遠岫山漠漠喚渡無緩聲舉疇有逸

爵厨勅江庖烹盤飮海物錯紛綸算觥籌稠疊進羹臠
吾衰僅兩齒笑比牛軟嚼於禮去煩苛既醉忘嗚噓邇
來數近游今日樂上樂雖殊梓澤敘合繼蘭渚作於馬
迭觴詠詩排硬語各且當柅我車入市趁櫻酪主人洵
好奇語客君且莫茲游縱可娛所見但塗腹詎足契真
情要必遠城郭須為裹飯交選勝窮寂寞兩峰躡晨梯
九鎖開夜鑰行逢鹿銜花臥聽禽擣藥暇看樵子碁雄
對仙人博子言我獨哂其奈筋力弱後游儻可陪閉戶

養腰脚

顧十一孝廉

嗣立

載酒寓樓遂同夜泛三首

近郭新晴穀雨故人載酒僧樓商略今宵月色一艘小舫中流

白鷺鷺拳一足綠楊柳散千條誰唱彎彎月子赤闌干
第四橋

蘇學士隄芳草水仙王廟寒泉正好當頭明月莫緣半
醉迴船

偕諸君過靈隱寺雨宿松靄山房限韻二首

湖雲乍合山雨微
平岡細路風吹衣
過橋幾處輒塔湧
到寺一道巖泉飛
斬新白花蕊照眼
依舊青竹園閒扉
攀蘿捫葛信公等
我與僧彌暫息機

正喜餘霞射東谷
何期簷溜滴階頻
且貪是夕翦燈話
判作來朝著屐人
慧遠酒邊能發興
周顒肉罷詎生嗔
貓頭之荀一飽足
況有青青鴨脚芹

松靄山房六詠

四松徑

松子落五粒松釵橫十尋
我來凡幾宿夜夜警羣禽

山茶院

二十四春風一百五寒食
自開雪中花至今好顏色

清籟居

一夜雨鳴樹不知雲幾重
推牕看曉色對面北高峰

西澗

山僧斲茯苓洗此西澗水
宛轉流樹根涓涓鳴不已

栗園

布葉密如櫟結實小於榛時有芻尼至翻飛不露身

竹筧

流泉半嶺來續以青竹管穿過白花籬忽注僧厨滿

吳氏山莊牡丹歌

牡丹三本異凡骨紫囊紅襪爭暄新山家種此有方法
陳根淨洗無纖塵徐量淺土壓深壑旋摘芹芽除苔茵
要令植物生意足不因得地長於人我來恰值穀雨後

愛三百朶濃香勻朱竿卓立張翠幙游蜂舞蝶皆逡巡
日長狸奴慣癡坐有時抱子來洗洗分明橫幅趙昌畫
對此豁眼開心神廬陵譜就種漸夥或自曹毫移吳閩
天紅淺白僅盈尺安得有此一丈身我思來朝未必風
不起亟呼酒伴澆以甕頭春

三潭采蓴聯句

明湖一鏡平際曉光泱泱
彘蓴三月抽香蓴纖纖裏柔
茁馮念祖吳儂戀鄉味少小能識察顧嗣立擬荷錢未

圓比行帶尤滑周敬差遜雉尾長頗類蠶絲軋吳陳琰

燕釵股天斜鳧葵莖澡刷周崧入掌溜蠃蜨逆毛掩鷓

鵠馬翌贊當其采摘時得一走七八鼻尊幾番誠漁童

百過迴櫓窾念祖匪直手拮据更在眼明黠嗣立貯之

老瓦盆戢戢小魚頡敬亟須下鹽豉曾不費椒櫞陳琰

即此足解醒饒叔恣交戛崧却笑張季鷹苦待秋風刮

翌贊

雨宿大仁院

徑轉雙林下，牕分半壁隈。
築牆防虎穴，登閣儼蠡臺。
宿鳥翻風去，驚雷觸石迴。
明當凌絕頂，導我一僧來。

石屋

大仁院北巖窪中，若廬旋傾崖。
滴石髓，白日掠仙鼠，鑿佛大小軀。
莓苔色黯沮，置身井谷中，窺天可倚杵。
剔蘚辨留題，各自命儔侶。
試觀咸淳書，筆縱字尤巨。
白鴈雖未來，邊烽已先舉。
奈何平章賈，志不在疆圉。
貪領狎客游，子弟共容與。
嫉惡性所同，見者費熏煮。
不覩眉山翁。

拂石埽雞距愛惜爭摩挲響搗硬黃楮洞門石扇開幽探
少樺炬慮拔千歲蛟嶷然不敢語山南殷其雷驟雨沒
沙渚偶坐贊公房夕陽滿平楚

南山雜詠十七首

水樂洞

蒼山入夏寒一泉自溫谷其流浸蘭蕙其音喻琴筑
蒼然石扇開飛出白蝙蝠

虎跑泉

山泉可用汲酌以長頸匏虎跡久已湮深穴猶虜窟松
陰轉三面未肯回鞦韆

煙霞寺

澀磴上招提不知幾十級入厨覓泉枯過雨佛身濕石
乳滴空嵌髣髴龍象泣

風篁嶺

斷崖橫一嶺穉竹何娟娟時有山禽拂新粉墮我前欲
尋巖下寺揮我風中絃

過溪亭

一亭四無鄰棟壞柱已折山僧慣迎賓不忍過溪別偶
語莎草間夕暉信明滅

楊梅塢

我行楊梅塢惜是孟夏初是時果未熟但見柯葉舒思
包綠荷飯五月來精廬

龍井

一泓淳山坳過者不敢唾雖然龍窟宅亦許鬪茶坐起

摹襄陽碑惜為僧所沈

片雲石

峰頭石縹緲豈異一片雲
有時風雨過獨立雲中君安
得五丁手移置長水濱

薩埵石

竭來給孤園玩此薩埵石
石上生莓苔千年暈濃碧不
見飮虎人且鋪苳草席

納翠山房

溪迴凡幾折早已滌塵慮靜看三樹松深陰且箕踞容
去鶴飛來客來鶴飛去

九溪

尋遍十五寺九溪鳴淙淙下無一寸魚上有百尺松緣
流思濯足奈此芑蒲葦

十八澗

暮經南山南曲澗一十八山橋往而復山路坳兮北夕
曛漸催入延首望香刹

玉鈎橋

句曲一道士愛住山之幽
寒裳慮深涉賣彼白玉鈎
築橋訪詩侶茲事宜千秋

翁家山

峇峇翁家山松花滿深塢
村民高下居少長齊捕虎
但誇弓弩強不識耕稼苦

桂隴

桂樹花不實何年種
山椒良由山中人
歲暮不自聊殷

勤與我期秋日來逍遙

理安寺

三家村裏人靜獨木橋邊路
又竹響驚回鼯鼠泉香流出
松花

冬花

我愛僧房亂石堆短籬
芭護妙香臺不貪夏果揚梅熟
恣看冬花盧橘開

馮孝廉

念祖

招飲北園分韻即送其同周

崧入

吳

故人襜被下吳淞且復官泥垢酒封主客不知何者是
登臨未覺老夫慵池邊灌木陰千尺郭外晴山翠幾重
有約谿亭宜避暑迴船試共采芙蓉

題春郊浴馬圖

兩頭纖纖駢角弓半白半黑浮雲馳酒壚未醉莫歸去
最好春郊楊柳風

題初白菴主小像

玉臺舊鏡已塵昏
何處驚看雪鬢痕
頗似琅山查長老
新涼可有副衣存

題丁明府秋江垂釣圖

秋原兮蕭條
秋雨兮漂搖
西風悴兮梧葉
南山落兮豆
苗園無棗兮
纂纂田有莠兮
驕驕之子兮
移家寄情兮
雲壑爰理兮
釣綸蔽之兮
漁箔衣獨速兮
青蓑笠天斜
兮黃箬一艘兮
雖小亦足兮
載書采風兮
媿雅暇得酒
兮烹魚信斯圖兮
可樂惜榛蕪兮
西湖之居

寄樂平石明府

為崧

天開彭蠡潞南邦
石墨峰連羊角雙
近說循聲過朔郡
明府舊牽靈丘定知詩派壓西江
畫簾茗莢香聞竈
夜閣琴絲月滿牕
望眼側身非一度
相思聊復采蘭茝

題李上舍騎牛圖

騎牛恣所適不在郭椒與丁櫟
試看圖中人出郊穩踏
芳草春春風暖拂堤上柳柳外青旗定應有可惜偏提
不在手南鄰朱老儻見尋勸爾沙頭一壺酒

玄默敦牂

小宛堂

小宛堂階梅兩枝疎花點點映清池
分明馬遠圖中見
只少楊家妹子詩

題洪上舍傳奇

十日黃梅雨未消
破牕殘燭影芭蕉
還君曲譜難終讀
莫付尊前沈阿翹

送張士琦令永新

春草烏斯道長洲陸子餘由來循吏傳頻見永新書送
爾之官去牽絲製錦初秋山日蒼翠詩卷共清疎

為宋巡撫榮題李營丘古柏圖

毘陵董啞子不畫山畫水淮陰龔高士不畫人畫鬼乃
知負絕藝落筆恒自矜獨立萬古意恥與時爭能試觀
營丘畫中柏宛似青牛道士井邊植一株足敵一百株
數尺看成數千尺樹根有泉亦有石樹旁有草亦有棘
當時畫柏不畫松檜葉縱身更竒特商丘副相寶之久

是日從容出娛客滿堂觀者齊動色濃香亟就斐几熏
韋偃畢宏畫不得此樹不知凡幾年童童有若車蓋然
吟窩東北池西偏玉鴉又挂逾清妍期我體物賦長篇
往年文康公晚作

孝陵輔君臣相悅邁曩古和調文武致太平

賜予圖書出內府郭熙范寬真蹟存猶載香厨舊時譜
公今鑒賞多逾精暗中以手摸絹可辨宋元明間來論
詩兼論畫過庭才子迭品評三吳開府近一紀盡收江

表詩人作弟子只如尊也亦是詩中豪

家石泉明
府載震

惜我

和歌今老矣

何孝廉嗽荔圖

吳中才子過閩中扶荔園開曲曲通小榼都籃餐不盡
惜無人為擘輕紅

觀劇四首

四照亭開桂樹叢夜涼風細蠟燈紅人間亦有霓裳曲
絕倒吳趨老樂工

三徑秋花裛露新
重攜酒伴過城闌
只應夜夜西江月
留照筵前舊舞人

燭下清歌揚叛兒
手中團扇謝芳姿
勝他幅幅纏頭錦

賺得張郎拜月詞

謂孝廉
大受也

歷歷羊燈樹杪樓
恣修簫譜散觥籌
龍鍾莫怪尊前客
弟子梨園也白頭

題家廣文

端

鄧尉尋梅圖

村村梅底開壺餐
莫笑先生苜蓿盤
桃李漫山都不戀

冷香合讓冷官看

慧慶僧房雪中聯句三首

柏

寺門柏二株

華亭高不騫 嵯客

老幹等鐵石我來七月

留

鼻尊

蒼翠陰日夕今晨啟牕牖

武進徐永宜學人

忽

訝冷光射漫天雲萬里到地雪一尺

不騫

庶物齊癡肥

鼻尊

此樹獨寒瘠疊葉刺鏤青

永宣

交技巧剔白盤坳

挺鴉叉

不騫

瑟縮偃蛟脊根封雪窖銀

鼻尊

身曳全匹

帛夫豈本性然永宣偶為造化役空廊立移時不騫目

眩肌瘳瘵牀頭倒餘醞鼻尊相對且酣適扁舟泛未能

永宣

悵望遠行客

不騫 是日汪份張大受
汪鈞公車北上欲送未果

玉蘭

雪後玉蘭樹鼻尊二本何勻停居然華林闕不騫卑鉢

羅滿庭雖無裂鼻香永宣照眼光瓏玲重重傳瑞粉鼻

尊寸寸排銀釘有時風吹墮不騫素影逾娉婷交枝露

綫雷永宣千苞壓繩櫺色殺辛夷紫鼻尊體變珊瑚青

因憶虎丘北不騫斜柯倚巖局歲久呶其腹永宣吐夢

猶豐馨此時更竒絕鼻尊乘興思開舫惟愁凍塗滑不

騫况復密霰零不知雙樹底永宣淡坐憐忪惺鼻尊

山茶

海紅亦嘉樹永宣恰與小牕對十月已試花不騫娟娟

良可愛孤根託招提鼻尊冷豔免替珮曉起雪漸深永

宣我心始焉痲既慮苞蘖推不騫兼恐顏色退孰知歲

寒姿鼻尊凜冽性所耐譬蒙縞素衣永宣嫣然逞餘態

欽定四庫全書

曝書亭集
卷二十

九

畫師貪此景

不寫

往往入圖繪或描江梅並

鼻尊

或取

水仙配分明黃趙筆

永宣

只少鶉雀隊寫生貌謎真不

憲比調朔繼晦芳菲正有時

鼻尊

改歲游可再

永宣

聯句題王處士畫折枝紅豆圖

并序

東禪寺紅豆一本結為連理枝高至三丈花時沈啓南
文徵仲唐子畏湯子重諸君恒修文酒之會後為疾風
所拔王處士武以水墨渲染作圖妙奪天真適有餉東
筍者并繪之樹底圖今歸張孝廉挂之橋下小軒孝廉

屬題興到聯句兼憶亡友惠吉士周惕成十二韻康熙

壬午涂月秀水朱

鼻尊

錫鬯識

吳赤烏年寺

嘉定張大受日容

相思子一叢葉參雙塔

外

華亭高不騫查容

花豔八門東照影清溪水

鼻尊寺舊有

清溪堂

題詩白石翁甌香茶竈熟

崑山徐昂發大臨

徑轉

麴車通結實收新雨

大受

調禽付短童經行消晝日

不

騫

開謝幾春風惠子居相近

鼻尊

王郎畫最工偶然濡

淡墨

昂發

率爾變輕紅破萼天桃似

大受

披圖束筍同

已無枯樹在

不驚

長恨舊壚空賴有淋漓筆

彝尊

能移

造化功祇應懸素壁

昂發

吟賞小軒中

大受

雜詩十五首

淮陰一登壇風雲色寥闊囊沙齊遂破立幟趙斯拔羽
也縱英雄氣盡豈得活大統歸赤帝鴻溝因罷割何哉
雲夢游一旦真王奪始馬將百萬目中無布越既與噲
等伍國士已羞殺寧知論元功後乃及蟲達

焚香戶庭中逐臭者在外彼自海畔行於我尚無害所

嗟蘭蕙鉏盈要服蕭艾荀揚世所賤孔孟乃飢退無鹽
入齊宮明妃去漢塞物理固自殊時運寧有待愛者終
莫憎憎者不復愛

紅亦不復花白亦不復花堂前雙梅樹但有枝杈榭春
風吹戶外好鳥鳴鄰家嗟我寂寞人故里同天涯

淮王升天日對帝稱寡人始焉帝心眷既乃帝怒嗔謫
歸小山中桂樹枝輪囷居然盜帝書意欲垂千春河間
禮最古楚元詩亦醇區區服食方吐汝非其倫九師招

不至且與雞犬親

夷羿射十日其九落高穹如何此神術迺以授蓬蒙支
左與詘右於技無不通一朝突反射人鮮克有終嗚呼
在三義有若日在中六經各有師不及斷椀工昔賢服
心喪期與生我同薄者無不薄奚事鳴鼓攻

秋蓬本在下吹噓送上天回風崇朝至過我門梁邊假
令一者來何妨暫周旋奈何舍我去轉向斜徑穿不如
楊柳花相近猶纏絲涼燠有定候冰炭毋乃偏

昔有池仲魚移居城門下城門設重關際夜上銀鎖既
無穿窬患兼有擊柝邏自謂智慮周乃藏殺身禍烈燄
已具揚撲滅勢不果吁嗟骨用朽前事資驗左處世多
危機衝波少安枕桑海詎難乾杞天亦可墮宋鄭四國
災咸秦三月火達人殷遠憂朝市足恒裏逍遙十畝間
為樂無不可

華山有小鳥自名寒號蟲翻飛必自卑毛羽恒不豐物
微弋弋獲幸得過凜冬一朝條風至自詡時命通洗頭

玉女盆鼓翼白羊峯謂鳳不如我聽者誰汝容鳳兮翔
千仞覽輝下梧桐一鳴音節節再鳴聲嗷嗷雖言德之
衰物理豈終窮

千佛各有經翻譯滿禪閑山花木葉文繁重苦難括自
從達磨來一葦當津筏聰明主妙悟指授在呵喝不讀
一字書貌坐立可奪奈何君子儒語錄效緇褐讀古喻
玩物斯言太拘閔聖人述六藝反正亂可揆豈惟身獨
善言動必迂闊張口雲霧中昏瞠何由豁庶幾經濟才

寇虐乃能遏

有酒斯鼓缶吹壎必和麤同調定見憐一心不相離古
人重久要隙末非所宜谷風思小怨大德反棄遺新交
不如故君子當三思請看蘇子卿豈絕李騫期

蘇秦六國印主父五鼎食積金已成穴多方猶采獲人
壽無百年子豈神仙籍蟬蟬語蟪蛄我今日將夕春秋
爾易邁不樂良可惜

衡必錙銖爭錢必子母權佳李鑽及核曲防遏其泉不

屑一毛拔而況千金捐舉世皆揚朱方思墨翟賢

飛蟲揚其羽乃為蛛網得白鹿游上林難免射工食居
子慎所趨毋以貪自賊不見冥冥鴻寧受弋者弋

佛法西域來道里實遼遠其徒祇比丘馬馱經數卷至
晉始有尼入梁俗莫挽此輩僧易狎為態亦婉婉一入
富家門內言出於相挾伴湖山游積金寺塔建精舍累
百區有司豈能限宣淫青豆房飽食香積飯因之壞風
俗詎可偕息偃婦人有婦功蠶織乃其本如何水田衣

娑拖出祇苑跪拜學男兒對客不自忖誰修鳳樓識絕
此母往返

男兒一墮地弧矢射四方家有驥千里豈戀苗藿場威
鳳鳴啾啾千仞肆翱翔覽輝一以下百鳥生儀光園牢
有養物毛鬣分柔剛留以施刀俎逸欲終見殃駛景洵
易馳安樂不可常奈何當盛年白晝處帷房

曝書亭集卷二十

欽定四庫全書

曝書亭集卷二十一

翰林院檢討朱彝尊撰

古今詩 二十

昭陽協洽

盛秀才書齋觀文 嘉 水墨杏花新燕

宜和譜花鳥獨有燕子畫者少後來小屏山多寫白燕
梨花間大都畫粉不畫墨又或畫雙不畫隻吳中才子

文休承藝事三絕人共稱冰紋之繭恣留額新燕圖來
剛一尺其餘盡寫石田詩不許觀者旁題辭梅湖盛生
雅好事少長羣賢並邀致晴軒挂壁縱容看歎息滿堂
聲不寘圖中烏衣甫出巢杏林過雨含香苞拂羽試飛
力尚怯風前未遽踏花梢自來寫生手往往守橐白惟
有石田真軼倫同時絕品數唐寅兩君畫意不畫似嘉
也此圖亦逼真吾衰應酬詩去聲嬾作聲只愛看畫題長句
坐中妙繪六七公那不臨摹遺我茅堂中搖頭鼓翼尾

涎涎令我日日長相見

春暮看花木瀆夜過上沙連雨不止信宿還慧

慶僧寺左足病甃自慰二十韻

春游抵木瀆對酒愛晚晴際夜泛上沙俄頃風雨生屋
東西溝水瀟瀟階除鳴繩牀承漏瓦三徙仍敲傾淫潦
晝不已疾雷暮砰訇有蚓蟠青泥有菌抽黃莖置身雲
光中濕氣易滿盈老夫留信宿臥起足疾嬰其左頓成
甃其右安得甃推牕覽朝霞散作魚尾頰言辭主人去

淨域返水精兼旬罷看花累月不入城父母生我來日
月斯邁征紅塵早插脚重繭萬里程雖經待班聯曾不
伺公卿既嬾著朝鞵兼恥邪徑行一從罷官後誰復驅
使令不妨日蹒跚堅坐無所營吾自著吾書吾自怡吾
情不有習鑿齒足寒春秋成

苦熱和梅都官韻

于埵鸛不鳴涉波豕潛逃不有膚寸雲寫得陰雨膏徒
封蜥蜴甕未洗烏獸毛既乏招涼珠詎有含風袍良苗

日以槁莫抽分寸毫夏畦病莫治秋乃亡其曹老翁愁
旅食疾首虛爬搔廣履尚苦熱何況層樓高

夏日病足留慧慶寺張顧二孝廉孫范二上舍

徐陳范汪顧五文學載酒至席上譚藝率賦一

首

一人半爾習鑿齒三樂具焉榮啟期老矣關心無俗事
相於把酒判深卮風多盡卷桔槔水旱甚將枯蔗芋陂
已辦衝泥油竹傘當筵頻起祝雲師

初秋宋五進士

聚業

載酒過張三孝廉大受潮

生閣送魏二孝廉坤之西江即席分賦得九言

今年六月不雨至七月小軒橋下恒苦水氣腥昨宵高
荷大芋聽枕畔歷頭檢點白露今朝零武塘魏二舍我
豫章去鴨嘴小艇蚤繫菰蒲汀此時攬袂欲別不忍別
卻喜南園酒載雙玉餅匠門羣從同調三五客長歌短
詠搖筆無留停此時秋之為氣感宋玉碧梧桐猶未落
蘼蕪青潮生閣梯從一初枕上八牕盡拓四面風泠泠

灌嬰城中本吾舊游地中有古井浪動連宮亭珠簾畫
棟亦有帝子閣目極西山南浦無潛形人生快意豈必
致通顯文章一技可以垂千齡桓山石椁縱使九泉錮
詎若閉關頌酒生劉伶他時寫取水村圖第七容我拄
杖剝啄叩門扃

橋下小軒對菊效陶

商風拂昧谷翳日浮雲移晚節菊有芳不隨蕭艾萎黃
白愛並列朱紫或間之雖乏有晬實沃沃呈其姿主人

治席硯弟子前擣辭抗論孔壁書兼詠伐檀詩吾亦扶
杖至道遙循階墀良久發清謳妙舞堂中施三爵客多
又一觴我同持人生如噩夢境適且自怡今者若不樂
將為四座嗤

題喬孝廉

宗列書離騷

伯時圖九歌和仲書九辨昔賢愛楚辭重之若笙典
舍人工楷書法在去肥輒三真六草間用意帶章
篆年來日臨池真蹟滿巾行離騷思所寄一寫一百

卷吾思屈子才妙語恣抽演美人與芳草發興義微
顯靈修美始合改路忽他踐藝蘭磐石阿終憾託
根淺一旦化為茅遂為蕘豎翦冶容非不工其奈出
辭謇揚蛾衆女前謠詠詎能免水流豈復回石爛不
可轉斯人久沉湘心事爾能闡想當懷伯庸以茲費
藤繭紙長三過讀今我亟稱善冷笑書洛神取義毋
乃舛

題梅生庚詩豪

吾門著錄多梅生文載道昨朝寄來詩彌覺風格老
清琴一高張羯鼓罷勿考羣雅百五篇足以豁懷抱

闕逢君灘

齋中讀書十二首

周官掌三易以通天下志卦名或不齊旅占本一致
豈有先後天佶離異方位斯言偽且堅足以亂神
智演為方圓圖申以河洛義儀象卦已陳相錯六
十四圖中迭相生十六三十二請問安樂翁正名名

馬寄

太極非有象一元氣渾淪陰陽至精數義由道士伸

列圖自下上三五理具陳

陳子昂詩太極生天地三
元更廢興至精亮斯在三

五誰能徵義見道
家洞真元妙經

番番希夷叟以此勒貞珉元公一

丁倒遂為席上珍

陳搏無極圖倒易
即為周子太極圖

後來費朱陸往

復辭紛綸仲尼不可作誰與別偽真

書名達四方掌之周外史曷言乎書名母乃小序是

馬鄭注漆經大義已及此古文雖未見序先暢厥旨

云何宋諸儒深文共排毀

書序非孔子作其說始林之奇

吾聞國史

言序書自孔子哀哉秦火後未亡亦僅爾苟屬聖人言亦當存其似不見小戴文禮家以取士何獨詩書序攻者後先起

九疇一五行洪範義先具伯蘇一汨陳維帝乃震怒啟賢能繼禹天罰行有扈桑門易地風其說本舛互奈何洛下儒侮聖不知懼用三革其二變一成百牾既與洪範殊寧免彛倫斃百世而可欺君子亦

有惡

孔門善說詩子云商起予流傳大小毛授受大小
序縱有齊魯韓見之色斯沮夾滌一後生攻以烈
火炬先儒誤聽信鑿枘生齟齬微言忽中絕大義不
復舉聞人左丘明著書秦相呂其言雖近詎其事頗
足取國僑賦褰裳晉為退師旅木瓜美齊桓情豈係

男女詩教厚人倫誨淫何獨許可怪上蔡師

魯齋王
氏為上

蔡書
院師為力亦太鉅芟棄鄭衛篇竄改雅頌所

王氏擅
刪鄭衛

諸篇又退召南野有死麕入王風
而以譚大夫衛武公詩改入國風
誰為辨異同復遵

箋傳語

男女一相悅情迫莫自持不聞桑中契先以定情詩
國史明得失輜軒別醇疵如何歷鄭衛專錄淫人
辭雞鳴風雨夜奔者亦可危執袪遵大路豈不畏人
知丘中有麻麥兩雄共一雌雙雙李樹下寧免相詬
訾立言詎可訓說者宜再思無邪尼父教用告童子

師

詩亡王迹熄百國有春秋魯叟乃筆削實書肆旁搜晉
乘楚檇杌鄭志亦見收斯為天子事邦國合九州大書
王正月恐疑於孟陬胡氏逞私智謂以夏冠周豈其一
布衣斧鉞威諸侯美惡同其辭此言尤謬悠當其在講
幄君臣意綢繆經義月經進諷諫同轉軸是時十將存
可復二帝讎奈何戒黷武惟知安是偷得毋檜所薦知
已士當酬流傳誤後學乖舛難悉糾曷不廢其書述事

準左丘

素王六經外論語其總龜紀者六十四義取春秋辭同
門有不善一一具書之由求予亢察言失不可追揆諸
朋友義情得徇其私寧形弟子短但以尊先師試觀孟
子徒克丑亦若斯後儒不曉事吹毛務求疵倡論輟從
祀平反者為誰不若鄉愿人非刺無可施瞽宗祀此輩
衆口庶不訾吾思屋上烏愛由丈人推云何七十子一
皆罷其祠何年復舊典俎豆勅有司

漢士守一經其義或駁躋真儒起北海卓哉鄭司農博

綜六藝音叩之等木鐘於時內外學罔不羅心胸用以

釋儀象明堂暨辟雍初非尚怪異專一譚魚龍

緯書河圖魚龍

最怪

至於五帝名亦惟祀典從德業既日尊弟子爭拔逢

黃巾拜車下後儒翻不容一朝輟粟主俎豆何由供嗟

彼黎丘鬼

謂王通也

乃以祀瞽宗

秦延君說書數文太支蔓堯典僅一篇為言且三萬博

士賣騎驢亦費三紙券吾思吉人辭終與躁人遠辭苟

足以達其義自繿繿勿狗買菜求第抒心所願不見陸

士衡才多反為患

詩篇雖小技其源本經史必也萬卷儲始足供驅使別
材非關學嚴叟不曉事顧令空疎人著錄多弟子開口
效揚陸唐音總不齒吾觀趙宋來諸家匪一體東都導
其源南渡逸其軌紛紛流派別往往近粗鄙羣公皆賢
豪豈盡昧厥旨良由陳言衆蹈襲乃深恥云何今也愚
惟踐形迹似譬諸芳蔗甘舍漿噉渣滓斯言勿用笑庶
無乖義始

羣雅日凋謝後起靡有涯竒觚累百人各自名其家吾
衰尚有志道古閑詖邪有明三百禩攬秀披春華青田
與青丘二美洵無瑕吾鄉數程貝雙珠握靈蛇自從永
宣來其辭正且葩泊乎嘉靖季七子言何夸鈎金縱可
揀莫披黃河沙一咻衆楚和是後尤卑哇先公聞缺舌
頓生亡國嗟先太傅初聞袁中郎鍾伯敬論詩
歎曰安得此亡國之音慘然不憚吾欲返
正始助我者誰邪

雨中從銷夏灣汎舟泊石公山麓

縹緲峰頭雨飛來銷夏灣舟停給孤寺路轉石公山吹
浪神龜老迎人吠犬豕七檣帆百幅最樂是魚蠻

林屋洞二首

洞天傳第九林屋是吳根地戶真官守塗泥太古存雜

花春瑣細仙鼠晝飛翻二客思深入囊衣換犢禪

謂馮孝廉

念祖胡上舍期真

出谷衣爭曝盤坳炬已灰仙居無路到石扇幾時開題

壁思前事

洞口有亡友周貧題名

窮源誠後來不如神景觀松下

且徘徊

時攜沈生翼徐生
惇復息道院中

太湖眾船竹枝詞十首

村外村連灘外灘
舟居翻比陸居安
平江魚艇瓜皮小
誰信眾船萬斛寬

具區萬頃匯三州
點點青螺水上浮
到得石尤風四面
眾船打鼓發中流

黃梅白雨太湖棧
錦鬣銀刀牽滿罾
盼取湖東販船至
量魚論斗不論秤

幾日湖心趙趙風朝霞初斂雨濛濛小姑腕露金跳脫
帆脚能收白浪中

灣頭茱萸紅十分湖中鷺鷥白一羣儂船縱入采菱隊
不濕青青荷葉裙

十歲癡兒兩髻梳漁娃不放柁樓居新年判費金三鎰
聘取村夫子說書

權郎野飯飽青菰自唱吳歎入太湖但得眾船為贅壻
千金不羨陸家姑

東溟大鰲也嗟峩滅渡橋頭銜尾過一樣風波湖海別
黃魚爭比白魚多

船頭腥氣漉魚籃船尾女兒十二三染就纖纖紅指爪
新霜愛擘洞庭柑

莫釐峰下鳳舟回望見高帆六道開傳語羽林郎莫射
漁翁元為進鮮來

題揚賓浮瓠圖

柳條邊兮不知幾千里有懷二人兮游子戾止松花江

兮不可方思浮以五石之瓠兮勝一葦之抗之嗟世兮
嶮巖投吾足兮安施仰瞻兮屢屢憚赤豹兮文狸遐眺
兮崇期車或殆兮馮墮遵陸匪安兮溯流匪危竹杖乍
釋兮羽扇斯麾我覽四方兮孰是周才若濟巨川其簞
也哉

題文處士_點山水

去年金侃亡今年文點逝誰修遺民傳念彼宰相系舊
游章君存早結僑札契示我水墨蹤巖壑最清麗髣髴

黃鶴樵浮嵐轉澄霽僧樓架木杪想見舊所憩下有宛
轉橋得非寒山滙陶陶永夕話歎息何由繼_世塢瑟既
輟山陽壚已閉對此神默傷寸心實悽戾題詩卷還君
藏之永勿替君自挂君圖吾亦制吾淚

同徐吉士

昂發

陸上舍

稹

沈秀才

翼

過普賢僧

房

茶塢山根寺經營景定年尚存行在牒未改梵王筵竹
覆空池冷松排老樹圓天平知不遠留酌白雲泉

謁韓蘄王墓

蘄王墓近古梧宮暨六夫人祔葬同尚有石甌眠宿草
更無宰木動悲風朝端彈事憑汪藻身後碑文付趙雄
輸與喪師張魏國史家具狀得徽公

明瑟園雜詠三首

黑雲墮地晚風號賴得山棲置屋牢不特高梧新乳落
吹殘早莢認瓜刀

石橋夜夜雨傾盆茶塢雲多不露根檢點牛宮與豚柵

莫教新漲入蓬門

竹外秋葵黃淺淺池南夏木綠陰陰日斜愛客絃桐至
翻恨山蟬處處吟

八月十五夜陸上舍

稹

招同張孝廉

大受

徐吉

士

昂發

顧孝廉

嗣立

徐上舍

惇復

沈秀才

翼

翫

月石湖席上作

海湧東西寺笙歌鬧梵臺陸郎呼小艇且喜石湖來
七十二橋月流光上酒杯浦禽鳴不去勸客莫先回

逢廬州守張

純修

四首

瓜州東廨徹離筵並坐空江赤馬船
君去我歸京口牖
春鷗秋蟀十三年

潭柘山游舊侶稀每逢鄰笛一沾衣
懷君千騎廬江郡
日對東南孔雀飛

伍胥門外泊齋舫話舊纏絲客共聽
幾度相逢秋水曲
黃花籬落白蓮涇

四百南朝寺錯連借君一榻坐蕭然
龕中彌勒應微笑

太守輸他布依錢

同曹叟話舊三首

斜街深樹早涼生
樹底娑拖伴我行
猶記書堂酒醒後
月中吹笛到天明

長定花時鬪酒籌
周郎三爵足風流
縱然紅藕紅蕖在

二人皆周郎中侍兒
叟授曲女弟子也

誰復孀居燕子樓

戟府沙隄路渺茫
十年蹤跡寄滄浪
白頭再過僧廬坐
共話中山獵後狼

旃蒙作鹽

詠白杜鵑花應 東宮教

銀榜璇題一道通
仙花移植冠芳叢
色殊李白宣城見
狀比嵇含嶺外工
照水影齊紅躑躅
卷簾香動玉玲瓏
梯航萬里來何幸
采入瑤山 睿藻中

方乾木蓮花圖為鐵夫上人作

少日誦九歌芙蓉零木末
得非三閭大夫本寓言
豈有江花樹頭掇
壯年草木多識之
乃知黃心之樹產自西北陲

母丘道士曾作畫醉吟先生亦有詩傳聞雖久虛增羨膩
粉輕紅幾人見黃山山後鐵頭陀示我生綃圖一卷葉如
青桂身青楊花開朵朵青蓮香天都方乾染初就
拒霜不數滕昌祐我思此圖更百年定有好事爭
流傳老夫為題詩一篇卷還頭陀須愛惜慎勿輕
污飛蠅點墨瓜牛涎

題黃山鐵公小像

鐵公黃海至曾占最高峰山後一茅屋階前萬壑

松禪心離怖畏詩卷閱春冬不信巖居樂君看冰
雪容

戲題汪上舍

缺

拓益小像二首

世無乞食僧天女隨其後莫是摩登伽巧把阿難呪
歡喜阿羅漢精藍舍衛城山僧少拘束恣意蹋花行

焦山別銘圖為王副使

烘作

華陽真逸昔瘞鶴井穴乃在焦山根銘文不省誰氏作紀
年第有千支存審視要非唐後勒昔年曾與張弼論茲山

不與浮玉伍其地僻左稀攀援旋渦轉湍奔溜急沐日浴
月驚濤翻峰坳集海舶浪齧藏江豚銘辭汨沒露日少誰
抉地戶開天門丈人守靈威真官降趙尊若非神人護遺
蹟安可捫蘆臺王君信好事躬自荷鍾操犢禪剝苔剔蘚
竟深入先以前趾次尻臀手摸其文無闕失一紙價已當
瑤琨西江道士為傳寫衣袂尚帶寒潮痕惜哉轅馬且北
去山游未遂枯與溫何年金石共搜討疑義相析窮其源

題宋中丞迎

鑿集二首

魚水君臣古不如玉音問荅

宋胡忠簡公撰

駐乘輿近來官閣

無留牘更

勅香厨授祕書

西陂水比石湖清雲漢天章照夜明且莫平泉疏草木
試看馬乳後園生

七夕詞六首

箕南斗北火西流萬里明河一夕收難得纖纖兩頭月

夜涼猶挂曝衣樓

照面微虧半月輪
經年別緒暫相親
奔龍控鶴緣何事
天路翻多襍穢人

中庭兒女上駝鉤
夏果秋瓜列案頭
若使天孫有餘巧
只應先乞自癡牛

清淺河流次第看
橋成猶費立津盤
來朝試彈林梢鶻
驗取修翎乾未乾

舊事虛傳摩睺羅
家家秋思問誰多
兒童免戴青荷葉

借我連筒卷白波

馬乳蒲萄哈密瓜吳儂一倍鬪繁華街頭不復簪楸葉
但買山塘茉莉花

曹通政寅自真州寄雪花餅

舊穀芽揉末重羅麩屑塵粉量雲母細糝和雪餠勻一
笑開盤榻何愁冰齒齟齬轉思方法祕夜冷說吳均

題朱顯祖梅花手卷

空裏疎花淡更香珊瑚水底尺難量只應翠羽三更月

臥看橫枝如許長

贈卓處士

爾堪

忠貞公後族蟬聯一代遺民藉爾傳辛苦遼陽存過所

其先世入關
過所尚存

篝燈重話革除年

初冬北郭讌集分賦

詩朋期不違勝引情乍愜潦看楚澤收蒼與蜀岡接
藥斂餘花燼又燮下涼葉短景猶戀人深杯轉稠疊

飲方

觀

園亭即送其入都

隋苑頻移柳吳歌罷采菱平山窺戶入遠水出郊澄卷尾
驢三紙霜羣鴈一繩金臺行在望樂劇許同登

時義興儲子
執禮同行

玉帶生歌

并序

玉帶生文信國所遺硯也予見之吳下既摹其銘而裝
池之且為之歌曰

玉帶生吾語汝汝產自端州汝來自橫浦幸免事降表僉
名謝道清亦不識大都承旨趙孟頫能令信公喜辟汝置
幕府當年文墨賓代汝一一數參軍誰謝皋羽察佐誰鄧

中甫弟子誰王炎午獨汝形軀短小風貌樸古步不能趨
口不能語既無鸚之鵠之活眼睛兼少犀紋彪紋好蒼嫵
賴有忠信存波濤孰敢侮是時丞相氣尚豪可憐一舟之
外無尺土共汝草檄飛書意良苦四十四字銘厥背愛汝
心堅剛不吐自從轉戰屢喪師天之所壞不可支驚心柴
市日慷慨且誦臨終詩疾風蓬勃揚沙時傳有十義士表
以石塔藏公尸生也亡命何所之或云西臺上髻髮一叟
涕漣洒手擊竹如意生時亦相隨冬青成陰陵骨朽百年

蹤跡人莫知會稽張思廉逢生賦長句抱遺老人閣筆看
七客寮中敢吠怒吾今遇汝滄浪亭漆匣初開紫衣露海
桑陵谷又經三百秋以手摩挲尚如故洗汝池上之寒泉
漂汝林端之霏霧俾汝長留天地間墨花恣灑鵝毛素

柔兆闍茂

春日讀春秋左氏傳心非胡氏夏時冠周正之
說偶憶草廬吳氏讀尚書絕句

原詩前漢今文
古後晉古文今

若論伏勝功
遺像當鑄金

因用其韻

魯史王正月羣疑積至今丘明一周字直可抵千金

題徐檢討

鈞

豐草亭六首

青竹槍籬白竹門西濛不異舊時村暮年庾信文章老
只合江關賦小園

蓄意誅茅縛作亭中央四角總虛櫺客來不用愁鰕菜
漁弟漁兄滿洞庭

一簣平山一曲池貓頭生筍菟抽絲新來長得金光草
試問主人知不知

春泥就燥雨初晴百草千花一夜生為報亭中宜對酒
不成送客反留行

暇日娑拖一杖支養生方法講多時不應尚戀閒釵釧

棗木流傳本事詩

檢討方鏤板
行續本事詩

登盤黃雀箭頭魚誰道天隨子不如近日欲傳糖蟹法
更來笠澤借叢書

東禪寺林酒仙祠

仙長洲林氏子幼失水至嘉興為比丘祥符五年卒于寺

僧居簡北礪集為作銘龔明之中吳紀聞
述其事仙遺詩有門前綠樹無啼鳥之句

獨破珠林戒，惟貪米汁甘。
醉鄉仍此地，古佛與同龕。
北磬遺銘在中吳，舊事諳門前。
留綠樹過客，每停驂。

憶高徵士 不霽 三首

苦憶萼鄉一釣師，捉將官裏去多時。
匠門自閉潮生閣，

寂寞張為主客詩。

潮生閣在張孝廉大受園中徵士至吳長泊橋下主客時酬唱

西華東望禁垣重，鞞底霜花曉更濃。
料得簪毫趨

采殿，驚心怕後丑時鐘。

薊丘風雪最天斜，何處停車問酒家。
此日聯吟遺一老，

僧房獨對海紅花

謁秦伯廟四十韻

沮漆尋源合江蠻相土弘古公遺哲嗣內傳有明徵肇
迹貽謀遠先幾脫屣能帝心惟季度祖武得昌繩句曲
誅茅始衡山采藥曾屈伸等龍蠖游息喻鷓鴣三讓聲

何忝羣黎愛莫懲稻田占樂歲

秦伯園田城內

瓜瓞啓新塍洌

井深堪汲高墉近可乘謳歌頓洋溢獄訟省侵陵化被

仁風厚經傳至德稱

宋徐僑請更論語名魯經

玉輿初弗顧黃屋詎

難勝

陸雲碑獄訟載歸謳歌屢請能舍玉輿之貴永襲皮冠之迹

自鎬宗盟重維南

庶績凝命圭還作伯端委豈無朋節孰千秋並名將萬

代矜

符子太伯將讓國語其傳曰王欲吾嗣一國之事吾其羞之吾聞至人不貴一代之貴

世家倫序定人表上中應

漢書古今人表泰伯仲雍均居第二等

地紀吳

甄胄

見陸廣微吳地記

祠沿漢永興到門帆葉卸

陸龜蒙詩讓王門外開帆

葉倚郭殿檐層行潦蘋長薦平墟墓未崩友于同一廟

皮日休詩一廟爭祠兩讓君

棲止必雙憑熟食均遵豆文身判股肱

獨存冠黼嗥不散髮鬢鬢

史記索隱引世本文雍是熟食故字熟哉攷文身被髮止

雍一遜位翻追王浮家乃誕登典儀咸秩久齋宿有司

恒芭舞經春演靈旗練日升官橋行坦坦

近廟有社鼓至德橋

奏鑿鑿霸業諸孫歌豐碑異代增斗牛含氣象烏兔信

環絙議禮邦人懈彌文俗吏憎漸疎胞與翟下遣薄蕙

承畫繪添竒鬼

潘凱記祠兩廡下土妖木魅詭形罔象編氓旬福膜拜乞靈

牲醪減

舊秤但令巫史祝罕覩蕙肴蒸斷礎方花溼空廊蔓草
乃青蟲晴掛樹蒼鼠暗窺燈邇者

鳴鑿至恭惟嘉惠承為章倬雲漢題扁照觚稜過客爭

趨謁其誰免戰兢杏梁浮震澤粟主配延陵隆典勤分

掌

同時范文正程明道宗志
簡諸祠降御書扁額

恩言盡服膺法施民矢

報終古潔劔甌

山塘紀事二首

寒食山塘路游人隊隊偕行揚充臯隸簫鼓導神牌紅

粉齊當牖銀花有墮釵殷勤短主簿端笏立阼

類篇叢
租切

階

吳俗迎城隍神至虎丘道士以王
珣地主袍笏立阼階延至厲壇

神來官道擁祝祭厲壇仍活脫青袍引縱橫繡幃乘巫

風書具訓奢俗禮宜懲手版紛紛集吾憐張季鷹

吳俗土穀

神城內外各十多以手版迎城隍張翰祠葑門外亦與焉

夏日雜興二首

五月新苗綠上衣農人占雨候荆扉墨雲合處斜光露
無賴蜻蜓千百飛

桐陰細細白花攢吾愛吾廬暑亦寒縱少圍碁消永日
也應騎馬勝鹿官

題裝潢顧生勤卷二首

梅邊亭子竹邊風
添種梁園一捻紅
不獨裝池稱絕藝
畫圖兼似虎頭工

過眼雲煙記未曾
香厨爭藉理籤滕
殘山剩水成完幅
想像張龍樹不能

得三十五弟

彛爵

杭州書

司訓吾家弟封書
忽見招紅荷花十里開
到定香橋

寄訊龔御史

翔麟

江橋卜築意
鹿安聞道田居十畝寬
不使車塵喧戶外

儘容山色到簷端
燈前綠酒雙魚洗
雪後紅衣一釣竿
料得

時巡春有信
種花應許上樓看

近年每逢
車駕巡幸一至杭州

送高佑之江寧二首

塵衫破帽獨支筇
重向金陵寄客蹤
試上風香層閣望
至今猶剩幾株松

青衿文字國門編
暇話姚翁結客年

翁字北若
念祖友壻

快意黃

金隨手盡秦淮
一道擁燈船

汪侍郎霏攜仲子闕夜過二首


解纜童兒塔

侍郎從海寧至

抽帆長水村
劇談無夜禁
密坐覺

冬溫雀鮓披
鱗重魚頭漉
酒渾回思燕
市飲凋謝幾
人存

十載疎芳訊
崇朝去考堂
楚歌休曠恨
吳語自清狂
舊雨西窓在
空林朔吹長
阿戎飛動意
離席倒詩囊



曝書亭集卷二十一